山庫全幸

史部

欽定四庫

厚

全書欽定續文獻通考卷三十

總校官內閣中書臣孫 溶

編修程想覆勘

及定四事全書 飲定續文獻通考 藏漸竭調度方殷平無濟於國事遼起朔漢既建 有餘貨者非厚斂多藏之謂矣宋自寧宗而後努 近宋代内藏之制大要以善制用者民裕而其國 臣等謹按馬端臨作國用考自周官九賦九式以 不善制用者民怨而其國促所謂君有餘財民 獻通考卷三

有存積武宗以後費出無經至神宗而降內努之 予乃其後歲課之入日增月益而國用寝廣度支 防邊省費而經理得人也金代始則攻宋後則敢 五京置鹽鐵諸司其時錢穀充是國用富饒者 所出浮於成額問間之所入困於科徵助之以搜 元 給則以不能量入為出故耳明初天下府庫各 繼之以加派公私兼窘以至於亡盖外庫之虚 征戦無己財用缺如元成宗教核會計量節賜 汉

欽定四庫全書 观 火足時之歌通考 宋寧宗慶元二年三月有司上慶元會計録 軍兵諸司人每月初五日國用房開具前月請給數 先是孝宗乾道三年命自後官禁内人并百官將校 歷代國用 於史者依次臚載而財用之本末與國運之盛衰 民力之竭有由來矣今自宋末至明代國用之具 之例附載馬 可以參觀而見其漕運賑恤蠲貸之制亦依馬考

鹽香裝之類則金部掌之度支則督月椿倉 場 糴 猥多分禄於户部之五司如僧道免丁常平免役坊 務 外支用歲約五千五百萬緡有奇若諸 領 目 并雜泛支用造冊進呈外路軍馬亦降式付諸 本雖各為 酒課之類則左右曹掌之上供折帛經總無額 揭 逐月開呈水為定式四年度支趙不敵言方今内 別無減欠則所入尚足以支所用 催理而悉經度支籍之即古者量入為 然賦入科名 路 供 部 億 則專 以及 於 總

次記四車全書 故定續文献通考 嘉泰四年十二月記總殿內外財賦 書 賦易以稽考且胥吏無所容奸矣光宗紹熙初以 時以陳自强兼國用使費士寅張嚴同知國用事 本曹自今為始歲一易之庶有司人遠遵行不惟財 都籍會稽窠名總為揭帖簿書草具條目聚然乞付 出之義則度支一司安可不問知所入之數也兹置 即鄭湜言脩紹熙會計録至是有司復上之 等謹按宋初天下混一歲入給錢千六百餘萬 秘

時中 **質雅本和買之入凡六千餘萬絡而半歸內藏昔** 月椿錢四百餘萬絡紹興末合茶鹽酒算坑冶榷 户部始椒經制錢六百六十餘萬爲五庾為執政 南歲入不滿千萬上供纔二百萬緍至日頤浩在 又增總制錢七百八十餘萬絡朱勝非當國又增 豐問合苗役市易等錢乃至五千餘萬渡江初東 太宗以為極威两倍於唐室是後日增歲廣至熙 都吏禄兵廪之費一歲不過百五十萬給

大巴口豆 二五司 做定續文獻通考 賦王之望至括民質劑未稅者以資調度殿中侍 路坊場净利錢以備軍賞三十二年總領四川 即黃中請入內帑者悉以歸左藏孝宗隆與元年 盟軍書房午戶部侍郎劉岑等至借江浙荆湖等 度滋益户部當患無餘至紹與三十一年金人逾 御史具芾請核實內外兵以節養兵之費禮部侍 連年用兵月支猶不過八十萬其後休兵寝久用 豐間月支三十六萬宣和崇侈支百二萬南渡時 財

金な上屋と 嘉定元年閏四月置拘權安逸錢物所 二年正月更名國用使為國用參計所 開禧元年二月詔國用司立考襄財賦法 七月以韓化皆兼國用使 後理財益急國用益不足矣 州 臺諫兩省集議裁抑濫賞又記諸路監司核實諸 三月始記戸部置局議節浮費至是年六月記侍從 椿積錢米是月復命總覈內外財賦馬自是以

大三一日三十二三三 欽定編文的通为 二年正月詔內外有司疏陳節用之事 籍錢計之歲約二千二百餘萬向也和議未絕烟 塵不警尚可支吾今也邊戍倍增用度益廣每難 其國也今武思之其有九年之蓄否乎今日之國 蓄曰不足無六年之蓄曰急無三年之蓄曰國非 計版曹實司之分版曹之責任者內則司農外則 四總領是也臣家於蜀當究觀蜀賦總入之數以 是後駕部員外郎李鳴復奏曰記云國無九年之

金牙下屋人 蓋 所以經費之外卒有緩急取辨於朝廷之椿管 農寺之所催僅可為一歲之出求儲積以備不時 支之數亦其大畧也蜀之所産未足供一歲之用 其大暑也通者乔丞農扈亦當究觀農寺咸催之 額米一百三十餘萬石錢一百六十餘萬給以 酬應朝廷以數不敷歲降七百萬給以助其費 入之錢雜未足之米總約二百餘萬而後可數歲 無有也類而推之湖廣淮東西總計猶是也 既 此

· 大二一口三 二 城 快定衛文大通考 未平漕運未至則其告匱必不能已也農寺以 降請當撥樁管之數以價其虧矣截撥有令不容 諸總以匱乏告當截大農之綱以周其急矣冠賊 米狼戾昔為樂土今為盗區賦輸不入綱運轉虧 於是取之此猶曰常程也最可慮者江西湖廣粒 百萬石水旱之科撥歲寒之眼濟閏月之貼降皆 得而言也曰兩豐儲曰中下界凡四倉總不過二 散在他所者不得而知也其米斛之在京城者可 貼

金グロ屋と言 失時 懐 徒安能奔走以聽命網羅交設則藏積之家不 會獨惜任是職者不務大體雖鉄必較則負版之 迫矣所積有限而 皆以稔告朝廷和雜視舊有加廟算深長動中 已若捉矜肘見不知計又安施也去歲浙右之 不行則其求償又當與之俱也移東補西已非 疑而待 然猶幸其可助國計 F 價名為 仰給 和 羅實類科羅始於趁時終於 無窮將何以為計願軫 他不足問也今日之 地 免 事 得

三年四月出內庫錢二十三萬絡賜臨安軍民 州 年正月以度僧牒千給四川軍費 今不一律臣始守漢陽軍當湖北最窘處適敵 騎 應辦州縣則窘於支遣總餉則今非昔比戎司則 知成都曹彦約奏曰今日財用之獎朝廷則窘於 入境催科東手猶且解發不改常度是十年以前 事變之來急為根本之慮其於時政實非小補 郞 猶 3 可為也越二年而攝事湖廣總詢乃 **火起海大水 通考** 搬

動定四庫全書 闕帥司移文本州未免那兌其間小小名色不復 長沙亦當應辦之時朝廷科撥未至諸 事是八年以前總的已不可為矣又二年而得守 責價值朝廷稱提官會則多出庫錢以便百姓 自殺以救得免矯制展官會界分二百萬乃始集 割後其用益害有請於朝久無畫降其人至投環 東就西截長補短支撑數月僅不廢事及正官交 州之銀券以足襄陽運德安之鐵銀以實隨東移 即綱運 尚

? (19 / A 45) 題、 飲定續文獻通考 雖樽節用度不致虧數而所以為經費者甚岌岌 矣調發既多則酒課不辨権場不通則稅課漸減 額又二年而守豫章則知豫章又不得如利州時 分添差作關則歲費又增萬緡黽勉盡瘁僅了元 度使寄居奉祠則歲費增數千虧有總管鈴轄路 州已不得如長沙時矣用兵之後事力更改有節 猶可為也又二年而節制利州兼領郡事則知 年之後比交割元數尚有增羨是七年以前州郡 利

金年四十八八十二 避戍卒支犒以葬妻為名行於小路者是數年來 前政宅庫之物以為公用者又聞被旨巡邊有迴 不足加以增印度牒不足助以告勃是生財之路 不特州即不可支遣我司亦窮陋至甚也而朝 千人交承錢物不過二三萬給支吾不行至有奪 也我司之事雖未親歷然在利州間管軍二萬四 財臣不得盡知但見招募軍兵偷築城堡額外 耀遍满天下是用財之處比前日為多也指券 卷三十

一一 大定章文大百号 熬 廢是取 財之道比前日為 击也民力竭矣上下煎 增羡不已宕昌之馬價未償而茶馬司之獻納不 以了天下之用位置分畫要得其所截然條目 可 征 平民漸生枝葉安邊所本以籍權奸之産而變 比前日為廣也國用司本以蓄藏幣之數而沒 移易紹與隆與間外冠犯順朝廷調發雖費若 權頗動觀聽大寧監之鹽本已竭而轉運司之 一至此極將何以救之哉嘗論天下之財未足 不 及

金定匹属全書 數千斛上恬下熙相安無事淳熙紹熙其俗未改 造弓兵之有調終椿積之有水脚招軍之有赏犒 度牒茶鹽引為雜本則交易無見價軍器之有製 近者公私之計窮陋萬狀皆云開禧以來兵議纔 起取常平義倉以供綱運則救荒無先備撥官告 數十萬者若民間積栗往往上戶十萬斛中産亦 之患大即交割之數有絡錢積至百萬小即亦有 河海而州縣常賦無窘迫之能百姓安業無怨數 卷三十

0 16 11 11 1 責州 必有以致此望與大臣議立定制以官兵之常數 窮問本未然窘於開禧之後不窘於開禧之前亦 賞有轉資則食錢有添請拆洗有往來之費暴露 如期而轉 有特喝之賞便宜從事一切取辨朝廷應付 所積漸無遺蓄矣調發有劈券則月糧有倍費功 非時泛用一切取辨許於交承錢內支破而州 即而不責以非時之需以歲時之常用責諸 餉 移兒即虧舊額矣戎司之事雖不欲 次定續文獻通考 + 稍 郡 不

金定四库全書 故為建留如八月當和雜則七月先科降十月當 者 循 送嚴刻剥羨餘之禁以沮其觀望使有志者可以 調發則九月先支撥久監司即守之任以寬其迎 司而不責以不測之費總所應免者悉與抛降使 募士養兵謹重者可以備水旱脩城郭設有緩急 之任乏與之罪課利有增羨者不許申奉使之備 即科降不必徒為勘完當支撥者速支撥不 環之費其一切調發則朝廷自任其責當科降

得 制] 激將佐中興之法昭若日星可舉而行之也雖然 其 又有說馬軍政在我師則總領為急務軍政在宣 亦 之耳紹興和戎以內帑了歲幣中間用兵以內 可以展布若大農之不繼則在陛下圖回而斡旋 與知命人以總領其事無可疑者軍政在宣制 則總領為贅員何也蓋軍政在我的則民事不 利源上可以慰其心下可以饗其士伸縮自 得以仰成而取辦至於我司尤當知其事力寬 Ų **欽定續文次通考** 帑 如

金定工匠在言 制 萋斐宣制不可為矣誠使四總所之財聽命於 將之處吳玠不膠柱 欲 軍以寬用度或欲增一軍以臨邊塞効用有奇 使 者可壁為背嵬民兵有精悍者可選為効用審 則 招 如 朝 財 張浚之用趙開就糧 論疲於應酬 賦輕重當出其手總領之職特一有司耳 軍 而聽命於朝論移一也而分券於總 卷三十 視為常事總 調 瑟 摺運惟意所欲 不鑿空取辦或欲減 所 恥於督辨處 如呉 今 世 緩 宣 傑 相 所

欽定四庫全書 理 編 書省計簿房置局稽考委都司官同樞密院編修官 宗端平元年編類端平會計録 都省言近來戶部財賦會計不明度用無節詔令尚 類端平會計録仍令條具來上權置檢閱文字 乞錢而後舉則州縣總制皆得自用其財而大農 之財亦可得而稽考矣 非有大變革不必俟命而後行非有大調發不待 急之宜量出入之數宣制得專之他司不能挽之 7 欽定續文獻通考

上不聞他策惟添一撩紙局以為生財之地窮 地亦未嘗不朝夕在念也今日之財用置矣府庫 制 兵民財利大計至孝宗乾道問則又特命宰相兼 圖議范鎮論財匱民困則乞使中書樞密院通知 之張方平論支費數廣則乞下中書樞密院審加 用雖掌之三司使而制國用之說憂國者每每及 竭而調度方殷根本已空 而耗盡不止廟堂之 國用使恭政同知國用事當時雖九重邀密之

美定四車全書

飲定續文獻通考

減 言高聽之者未必信事大體重聞之者未必行臣 有疏論省費有疏在下者若致憂國用矣然 愚欲陛下遠體周 郵旁午徒撫空文歲月遷延莫完實效又論造 會計有局 其從重以估籍估籍之令行而民不即生矣往者 之力増印楮幣以為理財之術楮日益多 號令不足以起其信繼以稱提稱提不足以 檢閱有官在上者若致思國計矣然置 人制國用之遗意近法孝宗 價 位 Ħ 任 楮 卑 强 盐

嘉熙元年正月初置財用司 去贓吏藝祖治贓吏杖殺朝堂孝宗真決刺而今日 至二年二月大宗正及贾似道奏裕財之道莫急於 望者 宜而裁酌當必有轉移闔闢之用以副朝廷之責 何取辨所出不敷於何減損揆事理之當然度時 宰執之成規明部大臣條陳經畫何道而可以足 一歲之用何術而可以致九年之蓄所入不足於

大三刀山王 Athan 致定 鐵文獻通考

十四

淳祐六年正月置國用所 馬 支 **斂日繁官吏增而調度日廣景德慶思時以三百二** 即之事力膽二萬四千餘員之冗官邊即則有 是後寶祐四年九月監察御史朱熠言境土邁而賦 十餘即之財賦供一萬餘員之俸禄今日以一百餘 行之則財自裕 '移内地則欠經常納解欲寬民力必汰冗員帝 科

金少正屋心量

State of Late 司農鄉 祖為京湖制置司兼變路策應湖廣總領財賦 政殿學士提領國用實祐元年八月以馬光祖為 總 記趙與 憲提領戸部財用十一月又以與 憲為資 至是年置國用所命趙與憲為提領官九年九月 元年四月以賈似道為太府少卿湖廣總領財賦 等謹按是時財賦之官有總領有提領如淳 領財賦余晦淮西總領財賦六年二月以馬 淮西總領財賦五年二月命趙葵兼湖 智、こと順文、通考 去 開 廣 光

開慶元年二月出內庫絡錢三千萬助邊用 金定匹厂在言 宣 至九月韶出内府錢千萬緡銀五萬兩帛五萬匹給 司錢五百萬緍銀三萬兩帛三萬匹給沿江副 判官景定元年四月命馬光祖兼淮西總領財賦 計故命重臣專司其事如此 以應印雷為軍器監准西總領財賦兼江東轉 慶元年四月以吕文德兼四川總領財賦十一月 二年十一月光祖提領户部財賦蓋汲汲為國用 Th. 運

COD Lining 欽定續文獻通考 内部絡錢五千萬稿內外諸軍 犒 以錢五百萬緍銀五萬兩給其用閏十一月又詔 以備軍賞十一月記江東西宣撫使趙葵便宜行事 两淮制司錢三百萬緍銀萬兩帛萬匹給沿江制 者是年後至景定元年正月元帥北還記以婚錢 臣等謹按是時屢值軍與賜錢不貴其見於本紀 三千萬編師并示賞功之典又賜鄂州戰守將士 師又出內庫錢五百萬籍銀二萬兩帛二萬匹給! 大 出 司

金只巴尼心里 變路策應司備禦賞給十月遣范文虎總統殿司 犒 咎萬壽脩城浚豪繕甲兵備禦遇又部以蜀閘 十一月詔襄郢屯戍將士隆寒可憫賜錢二百萬 两 絡錢三千萬度宗咸淳六年正月以錢二百萬賜 賜襄郢屯戍將士八月以錢三百萬遣京湖制 度浩繁賜錢二百萬給用又以隆暑給錢二百 萬 淮 師七年六月以錢百萬銀五千兩命知嘉與 諸軍往襄樊會合備禦賜錢百五十萬犒 府 置 調 師

大三四年一八三 欽定續文獻通考 安撫制置使賜錢二百萬給搞備禦十一月以夏 書 朝實叛司犒師八年二月以錢二百萬給搞襄郢 沿 貴會合策應以錢二百萬随軍給用十二月以錢 水 三十萬命四川制司下渠洋開州寧西鎮撫使張 李廷芝詣郢州調遣犒師又命沿江制置副使夏 江 陸戰戌將士九年四月以錢二百萬給兵部尚 湖廣總領汪立信開間搞師又以錢六十萬給 制置趙晋江防捍禦十月以李庭芝為两 ł 淮

恭命德祐元年十二月嘉與府告急給封椿庫錢為兵 俗又出安邊封椿庫金付浙東諸郡為兵備 有提舉帳司磨勘理欠等司皆為會計財用也唐 李吉甫當録元和國計者為成書宋景德皇祐 六月以銀二萬两命壽春府措置邊防蓋軍書旁 貴為淮西安撫制置使賜錢百萬給犒備禦十年 王圻曰宋太祖太宗設三司主計有度支之目 午尚籍 と言 此以 維持十餘年誠亦激勸之一術 卷三十 耳 又

察者數倍於皇祐百官為大夫者數倍於景德 曰权支曰民賦曰課入曰儲運曰費經謂一歲之 録巍轍所著蓋取元豐八年會計之實而別其五 藏與天下封橋非三司所領者不與馬元祐會計 地之圖調度之多寡錫予之厚薄莫不畢具各內 平熙寧元豐主計者皆有録上之其戶口之籍輿 減宗室及百官任子恩澤見任者無損方來者 不足以供一歲之出且論宗室為節度防禦觀 一つ 見記度しい一方 稍

司以掌出納 遼制五京及長春遼西平州置鹽鐵轉運度支錢帛諸 欽定匹庫全書 滋 惜馬 官初甚簡易自聶呼教耕織而後鹽鐵諸利日以 遼史百官志曰遼國以蓄牧田漁為稼穑財賦之 典籍散亡一切會計事置之不講茍且目前議者 有限亦至計也自罷三司理財無法而渡江以後 殖既得燕代益富饒矣

太康元年六月知三司使事韓操以錢穀增羨授三司 道宗成雍中馬人望為南京三司度支判官公私交務 以練帛為通歷凡庫物出入皆使别籍名曰臨庫姦 判南京三司使事時錢栗出納之弊惟燕為甚人望 事半歲積栗十五萬斜錢二十萬銀及拜泰知政事 至天阼帝時人望遷中京度支使始至府廪皆空視 馬吏 莫得軒輕 7 門衛一次 一多

欽定四庫全書 賜 王圻 羡眼饑恤難用不少斯旁及鄰國沛然有餘此無 泰徐高下蓋不得與中土同矣然自初年農穀充 遼史食貨志曰遼地半沙碛三時多寒春秋耕獲 亦 他 府歟 勘課得人規指有法故也 不至告置豈防邊之費既省而又籍宋人以為 賜之多者銀至二三千金又鞍馬衣匹佐之 曰遼起朔漠經費皆不可考惟日有宴月有 然

飲定四車全書 海陵天徳二年正月部中外節財用 金太宗天會十一年八月黃龍府置錢帛司 官見之或取軍士陳米飯與尚食同進先食軍士 鹑者或以敝食覆衣以示近臣或服補綴令記注 索一驚一鶏民間或用數萬售之有以一牛易 飯幾盡而比昵羣小官賞無度常置黃金祖褥 御臣下却尚食進舊以示儉及游獵頓次不時需 臣 等謹按金本紀海陵在位十餘年每節情貌以 欽定續文獻通考

世宗大定二年六月出內府金銀給在契丹軍用 黄金而後間以五彩金屑飛空如落雪一殿之費 德之詔不過飾情貌之一端耳 牛馬費財用如土直空國以圖人國遂至於敗天 上毀民盧舍以為材煮死人骨以為油舜民力 以億萬計成而復致務極華麗其南征造戰 至二十萬牽一車之力至五百人宫殿之飾過傅 有喜之者今自取之至營南京宫殿運一木之费 艦 如 江

次定四車全書 東定崎文獻通考 十一年祭知政事梁肅上疏論生財舒用八事 帝曰縣欠院務許折納可也乃復上疏論生財舒用 務坊場及百姓合納錢者通減數百萬院務坊場 天水即主本族已無在者其餘皆遠族可罷養濟內 折納穀帛折支官兵俸給使錢布散民間稍稍易得 八事一日罷隨司通事二日罷酒稅司杓欄人三日 先是肅奏曰方今斗栗三百人已困餓以錢難得故 也計天下歲入二千萬費以上一歲之用餘千萬院 丰

政不可罷其七事宰相詳議以聞 雜栗麥使錢貨流出帝曰趙氏養濟一事乃國家美 量減鹽價使私鹽不行民不犯法七曰隨路酒稅許 折納諸物 日裁減隨司契丹吏員五曰罷榷醋以利與民六曰 臣 義罷為盆都尹賜金五十兩銀五百兩鳥雅扎 而賞發臣下又甚厚其畧見於列傅中者如通 等謹按世宗自奉儉約見於本紀者不可勝書 醋此 俱互見權與罷杓欄 人 酤 罪權八曰今歲天稔乞廣 吉

こうこう 二 順、 東定賣之八百方 齊喀麂轉銀一千二百五十两及重綠幣帛赫舍 刀使就軍中賜之凡有功將士明安穆昆並如陝 哩志寧宿州之勝以御服金線袍玉吐鶻賓鐵 錢三十貫伊勒希十貫戰沒者皆賜錢有差及喀 銀五十兩重線五端絹十匹權正同之正軍人給 重絲二十端圖克坦喀齊喀平陝西將士明安賞 十端富珠哩定方與宋戰為人所害時銀五百两 擊幹罕有功以為宿直將軍賜銀三百兩重終二 产 佩

金定匹库全書 金 杓 五十端絹五百匹完顏思敬獻幹罕停於京師 昆二百贯富将琿一百貨權明安二百貫權移昆 賜之詔兵士死者人賻錢三十貫明安三百貫穆 賜錢十貫還軍雖陽復以御服玉佩刀通天犀帶 西邊賞佛寧重終三端絹六匹旗鼓笛手吏人各 百五十貫權富将彈七十貫及還京師又以 及黄金五百兩賜之及薨賻銀千五百兩 百兩銀千兩重絲四十端玉帶瘦馬名鷹完顏 卷三十 重 賜 綵 玉

売轉 賻銀 麂賻 陵所 軍節度使賜殷馬金帶終十端絹百匹及卒轉 元卒賻銀三百兩終十端絹百匹諾延温 與麂膊銀千两重綠四十端絹四百匹完顏阿 卒其膊數同完頡宗敏屢立功歷官得民心為海 殺賜金五百兩重終二十端 銀千兩重絲四十端絹四百匹 銀干兩 一千五百兩重綠五十端絹 一、足奇一天 一 重絲五十端絹五百匹完顏宗憲 五百匹完顏 絹三百匹張 劉珫除定 Ŧ 都鳥達 永 弗 浩 蘓 海 銀

あた四 居全書 章宗明昌六年三月運糧北邊發銀錢等備支給賞勞 二十九年章 五萬兩金盂二千八百兩金牌百兩銀盂八千兩 バ 六月又罷送赦禮物錢 萬匹雜終千端衣四百四十六襲以備賞勞 銀五十萬两錢二十三萬六千九百貫備支給銀 得用財之道如此 三百兩重經三十端蓋儉於已而不儉於人其深 位宗 ی 五月詔罷送宣錢 絹

火三刀与一至五 殿 飲定續文獻通考 承安元年十二月勞賜北邊將士 二年四月降空名度牒等助軍儲 五月命減萬寧宫陳設九十四所 錢三十二萬貫 令民進納補官及賣僧道尼女冠度牒紫褐衣師 世宗大定初以邊事未定財用闕乏自東南两京 千人授賞者幾二萬人凡用銀二十萬两絹五萬匹 遣提點太醫近侍局使李仁惠勞賜之授官者萬 外 號

宣宗真祐三年三月减弱糧券例 十月初設講議所官十員共議錢穀 年五月又部賣空名勢牒宣宗 貞祐四年以軍儲不 足許納栗充僧道官其納栗入官 從之三年西京饑又賣度牒以濟至衛給王崇慶元 三年正月詔罷之官 度頗多請降僧道空名度牒紫褐師徳號以助軍儲 及寺觀名額五年罷至是尚書省又奏比歲北邊 見職 調

給券出境者以其半給之脩內司軍夫亦減其半七 從已人力輸傭錢有禄官吏被差不出本境者並罷 月以調度不給凡隨朝六品以下官及承應人罷其 言在京軍官及委差官芻糧券例悉同征行乞減其 太學女直漢兒生員罷小學官及外路教授以省俸 先是承安四年三月尚書省奏減親軍武衛軍額及 給掘客院委差有俸人吏非征行不必給皆從之四 給部學校仍舊武衛軍額再議餘報可至是御史臺

興定三年四月定募民入栗法 九月立募民進糧賞格 生ジセド 考及升遷有差與考選 月裁損宫中歲給差 給比南征時減其半 詔司縣官能募民進五千石至二萬石以上各減資 高汝礪請備防秋之糧宜及年豐於河南州郡縣 月的河北即縣軍須並減河南之半又的致仕官俸 1:1 V 直

天興元年八月括民間栗 六年七月罷陝西行省軍中浮費 賞罰之銀二十五萬两從其給賞 哀宗正大三年正月詔尚書省議省減用度 再括京城栗 尋部罷捨栗復以進獻取之九月罷貧民進獻糧尋 立式募民入粟帝與議定其法而行之 月部諭陝西兩省凡我事三品以下官聽以功過 別 大記衛大七二字 丰六

敏定で庫全書! 書其數門首敢有匿者以升斗論罪京城三十六 坊各選深刻者主之內族完顏玖珠尤酷暴有寡 事先令各家自實此者存石有三斗幼者半之仍 萬石朝廷信之命權參知政事與左丞李蹊總 夫內族哈昭復與進用建言京城指栗可得百餘 舉為名既而罷括栗今復以進獻取之前御史大 轉運使完頹珠赫張俊民伊喇克忠等置局以 金史錫點 愛實傳曰天與元年八月括京城栗以 其

三月出內府金帛器四賞戰士 一一一一一一一一一一一一一一大道一大道一 至七月出內府及兩官物賜軍士十二月御端門發 萬斛而京城益蕭然矣 於衆婦泣訴曰妾夫死於兵姑老不能為養故雜 冀溷中愛實上奏請罷枯栗不報時所括不能三 之餘不從竟死杖下京師聞之股栗盡投其餘於 逢批以自食耳非敢以為軍儲也且六升者三斗 婦二口實豆六升內有達子約三升玖珠執而令

金定四庫全書 二年九月括蔡城粟 時帝奔蔡城遣使如宋借糧宋不許元兵築長壘團 之故又括栗也 府庫及兩府器四宫人衣服賜將 宗海陵之世風氣日開兼務遠畧君臣講求用 志曷嘗一日而忘之章宗彌文蝟與邊費亦廣食 金史食貨志曰太祖肇造減遼租稅規模遠矣熙 制切切然以是為先務雖以世宗之賢儲積之 土 財

火之四車全書 如 飲定橋之歌通考 名宣勅或欲與以五品正班僧道入粟始自度 靡不為之加賦數倍豫借數年或欲得鈔則豫賣 其罷也志以便民而民未見德其行也志以足用 而 下年差科高琪為相議至權油進納濫官販受空 民即命罷之罷之未久會計者告用乏又復舉行 货之議不容不急宣宗南遷國土日處污池數器 往 用不加競及其亡也括栗闌雞一切拍克之政 往而然盖法之初行唯恐不密言事者謂其属 デ ナ ハ 牒

甚而丁憂驚以求仕監戶驚以從良進士出身衛 力取至使樞府武騎盡於南代額爾克時全之出 乎迨夫宋絕嚴幣而不許和貪其淮南之蓄謀 至及第又甚而叛臣劇盗之效順無金帛以備賞 名實混淆倫法數壞皆不暇顧國欲不亂其可 激動以王爵固結其心重爵不能則以國姓賜之 終至徳號綱副威儀寺觀主席亦量其貲而電之 初志得糧後乃尺寸無補三軍價亡元師壓境 得

火屯四車至書 城 处定順文献通考 元世祖至元十九年十月勃禁中出納三分庫 御用寶玉遠方珍異隸内藏金銀濟遜衣段隸右藏 併 繁縟之文懲宋電柔加遼操切之政棄其所長而 紛 産做其租庸調之法以足國計何至百年之內紛 於貪獎將若何使其初用唐之永業口分以制民 財 用其所短宜乎國用匱而民心益離也 如此急一時之利踵火壞之法鄙遠偷撲襲宋 俱因無以禦之傳曰作法於京其樂猶貪作法

常課衣段綺羅練布隸左藏 代至武宗即位初國用漸多而帑藏已乏矣 者仍取之中書帝曰此朕特旨後當從所奏益元 藏 成宗大徳十一年十二月中書省言太府院為內 已支二萬矣今復以乏告請自後內府所用數多 千錠至萬錠者皆取之太府比 等 世祖成宗朝遇重賜則取給中書今所賜有踰 謹按元史百官志三庫皆屬太府監武宗紀 者太府取五萬錠

二十九年十月左丞相鄂勒哲等請節用 二百三十八錠矣自後賜諸近侍亦宜有節帝 及織造物件館傳俸禄者自春至今凡出三百六十 九十三 錠其中有未至京師而在道者有就給軍旅 鄂勒哲等言一歲 天下所入凡二百九十七萬八千 三萬八千五百四十三錠出數已逾入數六十六萬 三百五錠今歲已辨者纔一百八十九萬三十九百 丰

金定正屋在書 奏朕自處之考世祖紀及僧格傳皆無其事且僧 財 格已於十八年秋伏誅王本所載不知其何所本 不足帝曰自今不當給者汝即畫之當給者宜覆 侍臣奏請賜資乞令臣等豫議帝是之又載十二 月僧格言有分地之臣例以貧乏為辭希親賜與 旦至二月中旬費五十萬錠臣等無總財賦自今 臣等謹按王圻本載是年十一月中書省言自正 非天墜地出皆取於民苟不慎其出入恐國用 卷三十

成宗元貞二年十二月定諸王朝會賜與 ここう la la 教定續文獻通考 時賞賜有數成宗即位承世祖府庫充富比先例 金五十两者增至二百五十两銀五十两者增至百 武宗巴即位中書右丞相哈喇哈斯達尔罕等言前 奉旨命議諸王朝會賜與臣等議憲宗世祖登賢位 太祖位金千两銀七萬五千两世祖位金各五百两 銀二萬五千兩餘各有差至成宗大德十一年六月 聊存其說以備考馬 三十一 賜

金ケロアハクラー 五十兩帝命遵成宗所賜之數賜之 臣 然又所以大報功也 江南以至成宗親親之義復加厚馬至於勲臣 幣始定於太宗之時而增於憲宗之日及世祖平 給之仍定西平王鄂拉齊寧遠王庫克楚鎮南 元史食 貨志 曰元制凡諸王及后妃公主歲 賜銀 與之外餘鈔止有二十七萬錠凡議錢糧者乞量 等謹按王圻本載元貞元年中書省言朝會賜 卷三十 亦

次三四号二三三 欽定領文献通考 大德二年二月勃會計每歲出入之數 馬賜與及一切營建所出幾何其會計以聞右丞 諭中書省日每歲天下金銀鈔幣所入幾何諸王尉 哈伊扎爾布哈等金各四百兩銀四千兩鈔一 即所定之數亦與此不符想是年又更定之也 六百錠幣帛一百六十匹考成宗本紀不載其事 五千两鈔二千銀幣帛各二百匹諸王特穆爾布 托散及額森特穆爾大會賞賜例金各五百兩銀 相

圭

ユデーモニト 給 中書省言以朝會應賜者為鈔總三百五十萬錠已 今特奏乞賞者宜暫停故有是命至九月晉王伊蘓 一年八月日即位命自命凡以賞為請者勿奏 者百七十萬未給猶百八十萬两都所儲已虚自 借二十萬錠自今敢以節用為請帝嘉納馬罷 三百六十萬錠然猶不足於用又於至元鈔本中 鄂勒哲言歲入之數金一萬九千兩銀六萬两 外土木之役 たま 魦 中

武宗至大元年十一月中書省請節用度 アンフーノ、 飲定續文製通考 千錠餘移陝西省給之 言然自今賜予宜暫停諸人母得奏請可給晉王鈔 者二百萬欽臣等慮財用不給敢以上聞帝曰御之 陛下即位以來已支四百二十萬錠又應求而未支 者二百八十萬銀常年所支止二百七十餘萬錠自 藏空竭常賦歲鈔四百萬錠各省備用之外入京師 特穆爾以詔賜鈔萬銳止給八千為言中書省言帑 葦

三年十月令分減宣徽院廪給 金月中月多 四年十一月日即位部凡營繕悉罷之 營私第軍民不得休息適者用度愈廣每賜一人 加分減帝日比見後官飲膳與朕無異有是理耶 尚書省言宣徽院廩給日增儲侍雖廣實不能給宜 省臣言廪藏空虚中都建城大都建寺及為諸貴人 令巴達克善與宣徽院官聚實分減之 至萬錠惟於察之 軱 其

其言故有是詔 餘欽若此安能周給自今不急浮費宜悉停罷帝納 錠 百餘處計用數百萬錠內降占賞賜復用三百餘萬 故倉庫充物今每歲支鈔六百餘萬錠又土木營繕 李孟奏錢糧為國之本世祖朝量入為出恒務樽節 旅自今雖一繒之微不言於朕無輒與人至是參政 先是三月諭太府監曰財用足則可以養萬民給軍 北邊軍需又六七百萬錠今帑藏見貯止十一萬 次已 文文 大通考 三十里

一 我定匹庫全書 馬沃衛士及節諸王濫賜從之 泰定帝泰定二年五月舒瑪爾節以國用不足請減廢 達爾瑪實理等歲賜 至七月以 倍於所入出納之際鄉輩宜慎之朕當樽節其用 至四月中書省請節賞養以紀民力帝曰朕思所出 院等官極論當世得失有曰中賣賓物世祖時 元史張珪傅曰帝以灾異部百官集議珪與樞密 國用不足罷書金字藏經 卷三十

てこう・・・・・・ 東贖陛下即位之初首知其獎下令禁止天下於 行分用如沙布鼎之徒頃以增價中實事敗且存 妄稱呈獻胃給回賜高其直且十倍蠶盡國財暗 有司聘要和買大抵皆時貴與鄂托克中寶之人 夫以經國有用之實而易此不濟機寒之物又非 萬當時民懷憤怨臺察交言且所酬之鈔率皆天 聞其事自成宗以來始有此獎分珠寸石售直數 下生民膏血錙錄取之從以捶撻何其用之不吝 欽定續文獻通考 三十五

費弗足急於 科徵臣等議者的之貨宜以資國 發歲入止十一萬錠已是四年徵入之數比以 幸臣等比聞中書乃復奏給累朝未酬實價四 皆出於民量入為出有司之事比者建西山寺損 紓 餘萬錢較其元直利已數倍有事經年遠者三十餘 萬錠復令給以市舶番貨計今天下所徵包銀差 軍害民费以億萬計刺繡經幡馳驛江浙逼迫 民力實價請俟國用饒給之日議之國家經賦 . 十 用 經

大小·lot de de 放定檢文獻通考 數倍於至元間凡所供物悉為已有布施等鈔復 宜悉減併除罷之僧徒奏請增偷布施貪慕貨利 祖之制及至元三十年後改陞創設者員冗俸濫 歲用之常者悉罷之中外軍民署置官吏有非世 **駭臣等議宜守前部示民有信其創造刺繡事非** 又聞好人乗問奏請復欲與脩流言宣播羣情驚 縣雜役男女動經年歲窮奢致怨近部雖已罷之 事所需金銀鈔幣不可數計歲用鈔數干萬錠 三十六

かりゃ 财 器 歲所請衣馬獨糧數十戶所徵入不足以給之 太醫陰陽之屬不可勝數一人收籍一門蠲復 目又比 褻慢天神宜罷功德使司不得妄增醮祠佛事名 出 如世祖時支請之數餘悉簡汰兵戎之與號為 压二三 物 擅開邊釁非國之福蠻夷無知叔殺使臣利其 其外生民脂膏縱其欲取彼既行不脩潔適足 而已至用大師期年不能傷我士卒費國 年游惰之徒妄沒宿衛部屬及宦者女 議 凶 紅

從之 ころう こ・シュー 年五月中書省會歲鈔出納之數請節用以補不足 明 賞賜回奉奄有國家金銀珠玉及斷没入畜産業 無功受賞既傷財用復改倖門臣等議非勞蹟箸 婦或以伎物呈獻殊無寸功小善處互奏請要求 之人窺何喜悅之際或稱乏財無居或稱嫁女娶 糧宜明勒守吏簡罷冗兵又比年賞賜汎濫近侍 不宜加賞帝不從 " ?定衛文火 五芳 三十七

文宗天歷二年正月中書省言度支今歲獨豪不足常 金ケロンノを書 例支給外凡陳乞者宜勿予從之 時中書省又言朝廷賞養不宜濫及罔功鷹鶴獅豹 之食舊支肉價二百餘錠今增至萬三千八百錠 **錠今水旱民貧請節其費不報** 納之次年正月御史辛鈞言西商鬻寶動以數十萬 為永圖臣等在職尚有濫承恩賞者必當回奏帝嘉 至九月中書省言今國用不繼當法世祖之勤儉以 卷三十 つついりいこんごう 風 欽定境文献通考 時宜遵世祖成憲法冗濫點食之人罷土木不急之 費若此之繁移藏空虚生民凋察此正更新百廢之 中丞史惟良上疏言今天下郡邑被災者衆國家經 綿五干動部鈔予所需之半幣給一萬匹九月御史 之中正院又言皇后日用所需鈔十萬錠幣五萬匹 費以今較舊增多金一百五十两銀六千二百兩鈔 五萬六千二百 錠幣帛三萬四千餘匹請悉揀汰從 鶴舊止六百二十八戶今増二千四百戶又佛事歲

金万里上人 至順元年七月中書省陳濫費五事 言近歲帑廪空虚其費有五曰賞賜曰作佛事曰創 帛四十萬七千五百匹絲八十八萬四千四百五十 銀千一百六十九錠鈔九百二十九萬七千八百錠幣 分矣 帝嘉納之是歲會賦入之數金三百二十七 錠 致不然將恐 因循苟且其獎漸深治亂之由自此而 役事有不便者咸釐正之如此則天災可弭禎祥 綿七萬六百四十五的糧千九十六萬五十三石 卷三十 可

PEDI ALLE W定續文獻通考 用 順帝至正十九年三月御史臺以募兵虚胃為言不能 十二年樞密副使李士瞻上疏極論時政凡二十 倖胃名關支率為虚數御史臺以為言乞令軍士 凡 先是名募義兵費用銀鈔一百四十萬錠多近侍權 御史臺各集賽官同加汰減從之 置衙門曰濫門支請曰續增衛士鷹坊請與樞客院 一領官錢者立限出征部從之已而復止不行至二 條

穆爾請誅狎臣圖嚼特穆爾波迪哇兒為罷三宫不 急造作沙汰宦官減省錢糧禁止西番僧人好事 其二曰罷造作以快人心九曰察近倖以杜奸與十 曰減常歲計置為諸宫用度二十四年八月博羅 日省佛事以節浮費十二日絕濫賞以足國用十四 賜與成宗曾命丞相鄂勒哲等會計出入是以元 販 元史食貨志曰元於宗成則有成賜於山荒則 恤大率以親親爱民為重世祖當命中書斟酌 有

大三日奉三古 数定绪文献通考 納之數 成 明 内府凡十庫承運庫貯線匹金銀寶玉齒角羽毛廣 祖永樂十九年十一月遣官覈两京及天下庫藏出 太祖洪武十三年二月詔發丹符驗天下金穀之數 至元大德之數益增二十倍矣而朝廷未嘗有 差二者之外凡課之入日增月益至天歷之際 日之蓄則以其不能量入為出故也 之治以至元大德為首厥後國用浸廣除稅糧科 視

一天里 鐵獸皮養木戊字庫貯甲仗贓罰庫貯沒官物廣 宫內者又有內東裕庫實職庫謂之裏庫凡裏庫 用庫貯稅稱熟米及上供物以上通為之內庫其在 有天財庫亦名司鑰庫貯各衙門管鑰亦貯錢 P 庫貯錢動廣盈庫貯約絲紗羅綾錦紬絹六庫皆屬 **襖戰鞋軍士裘帽丙字庫貯棉花絲纊丁字庫貯** 積庫貯硫黄硝石甲字庫貯布匹 部惟乙字庫屬兵部戊字廣積廣盈庫屬工部 E 顔料乙字庫貯 鈔 恵 义 胖 供 餇

魚 部是時分遣中官楊實御史戴誠等查勘其出 有庫貯銀又凡府州縣稅課司局河泊所歲 所皆有 馬價銀歸之其在外諸布政司都司直省府州 光禄寺國子監旨各以所掌以貯應用諸物太 刖 闖 謂 課引由幹本諸課程令所司解州縣府司以至於 於有司其會歸門實善門返東及南城磁器諸庫 之外庫若內府諸監司局神樂堂機性所太常 庫以貯金銀錢鈔絲帛贓罰諸物各運司皆 四 十 --課商 僕 縣 稅 則 衛

全歩した 仁宗洪熙時罷行用庫 二十年十月分遣官聂天下倉糧出納之數 臣八十人查覈之 數 給軍州縣設豫備倉以販山荒是時分遣中官及朝 亦皆有倉官吏俸取給馬邊境有倉以屯田所入以 初京衛有軍儲倉洪武三年增置至二十所各行省 初嘗置行用庫於京城及諸府州縣以以易昏爛

· 尺已月 /11-7 图 飲定籍文献通考 宣宗宣德十年二月時英宗罷諸司 費皆裁減之 初凡事皆勃從簡省至是從尚書胡淡等議一切 鈔至是能之五見 皆減省有差實録又載是年八月減光禄膳夫四 黄牛四萬糖蜜果品腸脯酥油茶芽梗糯米藥材 千七百餘人蓋即位數月多所樽節矣 臣等謹按明史食貨志曰英宗初政減南畿孽牧 見銭 冗費 冗

t 英宗正統元年內庫歲進金花銀百萬两有竒 店錢援例上納者亦皆入馬以其貯銀故又謂之 稅凡折銀者皆入太倉庫籍沒家財變賣田産追 年設戶部太倉庫專以貯銀 運庫為御用矣瓦 各直省派剩麥米十庫中綿絲絹布及馬草鹽課 臣禄及各邊緩急至是額折漕糧歲百萬盡解內承 初金銀多入內承運庫歲賦偶折徵者送南京供武 B 考 見 田 是三 銀 閼 収

小八三一一一一 如 处定衛文献通考 景帝景泰五年十二月减光禄寺供應靡費 齊縣輕用錢帛動以萬計乞勃減省庶國用不虧疏 內外官吏厨役等通同侵盜不可數計各寺觀逐 户部主事余子俊言光禄寺日逐供應上用有限而 庫至十年又設通濟庫於通州世宗時罷 入以齊醮已有定規但令禮部移文光禄寺禁約 萬八千餘動增舊額四之一成化初記光禄寺性 食貨志曰天順八年光禄果品物料凡百二十六 Ð

憲宗成化十二年三月減內府供用物 七月以用度不節工役勞民自責十六年三月以歲 欺减光禄寺供用物 夔言正統間雞鶩羊豕歲費 三四萬天順以來 增 四倍暴殄過多請從前部後二年大學士彭時給 用禁止買辦於是減魚果歲額之十一 事中陳越亦以為言請照宣德正統問例斟酌 口不得過十萬明年寺臣李春請增禮部尚書姚 供

十七年十一月取太倉銀三分之一入內庫 所 庫不動遂以中庫為老庫兩無為外庫及是時老庫 積銀八百餘萬兩續以者貯之两無以便支發而中 靖 府財用不充諸支太倉銀戶部執奏不能沮世宗嘉 又置南京銀庫武宗正德時內承運庫中官數言內 至孝宗弘治時內府供應繁多每収太倉銀入內庫 存者僅百二十萬两二十二年特令金花子粒 初内府供應視弘治時其後乃倍之初太倉中庫

きラモ 孝宗弘治元年兵部尚書馬文升疏請節用從之 應 甫復位亟往觀馬止缺其一角旋節他費以補 厯 宫觀屢購賢石然後十客俱罄矣 迨成化時內 浪費英宗居南城間而嘆曰累世之積殆將盡 王圻 解內庫者並送太倉備邊用然其後復入內 Ţ. 朝 と言 儲之以 曰先是內帑積金凡十害每客凡若干两 官梁芳韋與等作奇技溫巧并為犯 備邊虞者景泰末年賞賜甚侈 頗 庫 乎 之 蓋

. . . 御史李鸞言命光禄減增加供應并禁假供應之名 儉之盛德 復見於今而民因少 無矣帝題其言尋從 更加樽節罷不急之脩造裁冗食之人員則帝王克 減省即為定例不許增添大望自今凡百用度賞賜 武至正統年間供應之物逐一上陳斷自宸東量 必自內府減省始乞動戶禮工三部各查內府自洪 文升疏謂為國莫先愛民愛民莫先節用節用之道 價倍取者九月禁內侍加派供御物件三年十二 . 次主演文表通考 四十五 カロ

動定匹庫 + 用物件 饗而已自成化以後添坐家長隨八十餘員傳添湯 五 月減供御品物七年九月停蕪松諸府所辨物 飯中官百五十餘員天下常貢已不足用乃責買於 初光禄寺之設惟供奉內府御膳備辦使臣外夷宴 五年裁減光禄中官歲省銀八十餘萬兩 年九月放減內府所蓄鳥獸十七年二月又減供 年十一月免陕西織造羊紙罷福建織造綠布 全書 1 料十

次足四事 在書 縣 欽定續文献通考 民之財尤虧愛物之仁疏入帝為惻然乃有裁減之命 禄 京師鋪戶市井負累兵部尚書劉大夏因天經言光 減省有差存者減其食料 海子猫西華門鷹大御馬監山猴西安門大傷等 信者有減半者有停止者於是放去乾明門虎南 及所畜禽獸料食之數凡百二十事乃降旨有仍 食貨志曰是年光禄卿王珩列上內外官役酒飯 日辨桌面不勝查算日殺牲口無慮數百既以損

四十

及會計其盈縮之數上之 戸 月戸部上會計盈縮之數 運傷 事故停減而歲入不及原額者如 部以今歲天下災傷糧稅減損而國家費出無經 其界曰每歲天下稅糧各項俱有常額比歲 景 之特 在 泰類少 7 11-4 内 季 六 起 固 支年 有逐年加 然矣在外官用不足 十三萬九千九十餘兩一季支一萬三千三十 卷三十 添而歲支過於原 **握一百二**如河南咸 八年月 多餘 啊 額 地邊 者 存萬治軍如方糧 有 遇

C. リ L 11 風 飲定續文獻通考 次之自永樂都無京師為重南京次之各邊又次 頻繁乎洪武定都金陵當時供給南京為重各邊 之然當時供給各定省分今湖廣江浙諸處既 而不足常用之數又加添而過多則知在內在外 銀 類 歲所入俱不足供一歲所出况災傷迷見供餉 至一两八九錢之類多事改折本色每石 民財畫耗 萬 百四 Ŧ 分宣府不四年解遣折四 用 皆以常入之賦或停減 週八 程少 **战五分近因** 府成支 四萬餘 月十七 邊

金大巴屋人一 易達邊即無調發州縣無流徒有司得以藉 先年 鄥 早潦之不時邊方請給之不已萬一漕運遲惧 加 之 景泰至今供用日盛額外加增又往歲豐登運 正 南京又供京師直隸諸處既供京師 於前内 積制一歲之用今太倉 無數年之積而冗食 有警則京儲求歲入三百七十萬之數邊鉤 統以前國用減省民之輸納 **络缺見年之用而給費日加於後郡** 不出當額之外 又供各邊 邊 縣 Ð 自 須 河 A.

17.17 P(1.12 武宗正徳元年五月命廷臣會籌經制之宜 為一百萬兩餘皆貯之太倉或多至四百萬少亦半 九萬兩有竒歲用給邊折俸及內府成造寶册之類 乃命廷臣會議尚書韓文等議京庫歲入一百四十 ,部侍郎陳清等極言國用不足當巫籌經制之宜 水旱數十萬之軍旅又將何所取給哉疏入命會 以開 百萬两之銀亦已難矣倘不幸復加數千里之 戴定續文獻通考 四十八

金厂口厅 之近歲 佛銀冊用節 設者軍民節 相 像於不之冗者光春的儉 仍 費 乞 Territorial 内禄难化素凡 悉先上 痛 則一年所 **醮運用酌荒先官寺** 懲 赏庫金行近朝等 厨 禄用 寺 侈靡務為 E. 麥不非永貴財監料 裁 典 查馬 之得聖守出賦派非 冗 食 减 服 用乃 類過旦自無以雜急 卷三 官凡内 俱五千个經十物用 飾 五. 省 不十秋非国之料者傅内外器 縮 百 萬諸成用七在內什外近用 妄 兩重造 愈 為 所 府 乞 諸 侍 玩 凶 餘 萬 · 丸月事 上田經當 各升 引日 好 條 美海内 浪莊不用乞费緩監者事常 具 屛 费取得器查而者局軍少濫 經 去 用物正儲盡人士官費 滛 制 虒 贖 銀双統其為近投多酒巧 事 耗 每五以三裁非克者解務 兵荒 年府前偏省额占文使從 崇 輸寶成兵 一 用武臣撲

欺 申 ĭ 敷 親解可欠所者錢 民勘部税户 課及物行 并 貯命帛 寃 支 旁發商 額 有 口錢官珍 用多至數倍之由 種近太錢 食頗查 寳 냡 豪行 可行長策仍議 倉動鹽足盤賊 遣 强折将 次定廣文次通考 奪蘆 貯亦錢支估 罰 官 銀 留座折纱用計 等 清 解原 歳 辦若給銀起气易物 理 子干邊俱解通銀歲完 粒牧 之行送久治 寇 用城 以 數天部腐 銀馬 清 俁 罰 閗 及 運 查 暫下 解餘 燗 送各邊 清 處置鹽法 今將 部給 草 查 折明錢 應附 場 用 銀年鈔 積 近 房壩 已用 詔 草上及該折 朽 四十九 場等崇徵銀 販凡 是 庫么 勢監 未 乞十文先惠雨 之 藏省 要技 九門年等京 핡 用 勅 仍 貯府 占私 2 官馬分通庫

卸定四月とこ 輕 冗對 人二十三年十月孝宗已即位汰傳奉官弘治十 罷 年 七年五月兵部尚書馬文升又疏請清傅奉以節 化二十一年二月放免傅奉文武官五百六十餘 臣等謹按明代冗食之員莫如傳奉官考本紀成 間 尚有退之未盡者弘治初從陳官言命盡法之 授是以府庫財用雖遇兵荒未當告之至成化 謂國初稽古建官非效勞任事者額外未當 始開傳奉之門冗官漸多嗣因星變廷臣奏

爵措置無方惟裁草冗員庶名器不濫國用稍 内外倉原空虚帑藏匱竭一遇兵荒軟至賣官衛 耳盖其時冗食之員復未及汰如此若是年韓文 而兩京軍職比洪永時增數倍加以軍國之費使 糧至數萬石皂隷銀不止萬餘两况今親王已至 三十餘府郡王將軍等不下千數禄糧約百萬石 送中書處食糧習字得授中書舍人者一年支俸 近年來大小官員傳奉者復多其他亦有白衣人 聖 火之妻又大西考 4 足

欽定四庫全書 二年六月命罷修邊垣輸其費於京師 帮銀十萬餘兩又助以户役銀十六萬兩以及搞劳 之人考實録正徳十六年五月世宗已即 草傳升官七月草錦衣衛所及監局寺廠司庫旗 亦 校軍士匠役投充新設者凡十四萬八千餘人則 楊 僅以其議為是而究未及裁矣 雖議裁文武官傳升乞升及軍士投充占用 一清於二月內修築邊垣其羅買口糧已費 位始命

時 月以接濟工程令納銀充職 Ι. 樂餌乃有是命 費動以萬計自正月以來約用銀三十餘萬两故 米萬三千餘石又修凝翠照和 部奏請為此權宜之計也 清宫用銀二干萬餘两 方修理南海子殿宇橋梁製造元宵燈火及諸 食貨志口帝以大素殿初 1/ will 1965 12 役匠三千餘人歲支工食 制樸儉改作 崇智光霽諸殿 雕峻建乾 御 珥

欽定匹庫全書 三年四月命中官章彩脩聚廣東錢穀之數 鹽 初遣郡至两廣查盤銀雨 十七萬两有竒乞量留以修急用命止解五十萬两 倖 馬監鐘鼓司南城豹房新房火樂庫皆鼎 扄 京尋解鹽糧銀二十八萬兩至霸奏廣東庫貯銀 糧軍賞銀四十餘萬兩及廣東布政司庫貯銀三 閱官莊園祠墓香火寺觀工部狼竊官銀以娟 總督陳金等奏梧州見存 新之權

J. J. J. J. J. 虚矣 盖 解 視前多二十七萬户部復以請命露於已解之外 肖 發各鹽 運提舉司贓 内 劉 五 十萬两各府歷 年收 食貨志曰初天下府庫各有存積邊的不借支於 **昂請以諸布政司公帑積貯** 京師不收括於外成化時巡鹽御史楊 瑾欲檢括遺利盡歸 M 钦定續文獻通考 罰 京師 貯錢 銀入京庫弘 教仍脩數其數以開 於是天下倉庫多空 征徭美銀盡輸太 治時 至 澄 給 事中 始請

官金寶還內庫 金罗巴座 九 十六年正月遺部停不急工役收抄沒財 年十二月加天下賦以管乾清官 是年正月乾清宫火是月工部奏料 萬两乃命加天下賦如其數以管建之 齊齊熊土木之故必欲盡括天下財 倉尚書周經力爭之 以為國用不足者以 意也至劉瑾用事遂令各省庫藏盡輸 つけて 1 價工 役需銀百 非 物 藏 京 及宣府行 織造賞 富於民 師

J. 17. 1 J. 1. 實之 世宗嘉靖時以太倉庫匱運南京户部庫銀八十萬兩 并給賞應用 物及宣府收貯銀两開具冊籍收貯內庫以倫邊儲 各處工程除營建大工 外悉令停止凡抄沒犯人 两出數共一百餘萬两自正德後出多入少國用 不支矣 折曰正統時天下歲徵入數共二百四十三萬 欽定續文縣通考 五十二 財

|金厅四屋-全三 又户部 どん 禦 嗣 賑 支多不過二百萬少僅七八十萬及二十九年倫 存 臣 不 能 等 大倉 恤 積三分俗兵歉 邊警的額倍增三十四五年間宜大 謹 諸費取給內帑歲無紀 條上理財事宜臨 充所出之半由是度支為 按 明實録舊制太倉庫銀以七分經費每 以為常嘉靖二十八年 + 徳二倉積銀二十萬两録 極所入二百萬之額 切之法 被冠基軍 箕飲財 以前歲

貴 銀 會 半 **断三之一而内廷之賞格齊殿之經營帝時以夜** 賄 事 四 僅七萬都儲不及十萬兩邊臣奏討日棘户 出 大同告警發銀二十六萬有奇民運至太倉者 方多事有司往 題增派括城贖算税契折民壯提編 以採木山陕宣大以兵荒即成入二百萬 例與馬初亦賴以濟匱久之諸所灌輸益少值 片紙徴取無 ~ 欠定題文、 題考 敢 往奏留請乞 延 項 刻者至三十七年二月 如浙直以倫 ž 均 徭推廣 額 倭 且]1]

欽定四庫全書 三十七年令歲進內庫銀百 後又取 食 狀帝 尚書方鈍等憂懼不知 飹 員 啊 貨志曰凡甲字諸庫主事借科道巡視太倉庫 Fl 外郎主事領之而 以致匮乏如 沒官銀四十萬两 切責以謀國不忠令再議盖世宗時 報出納之數又其時修工部舊庫名曰節 بالر 以給事中巡視至嘉靖中始 萬兩 所出乗間進陳帑藏空虚 入内庫 外 力口 預 俗飲取銀 國 用不

慎 會 納至嘉靖時建驗試願 州 御 諸 他 m 庫 縣府司以至於 庫巡按御史三歲一盤查各運司庫歲終巡監 史委官察之若府 永樂時始委驗勘中 視庫藏科道官進庫 銀補價自是專以 以貯礦銀尚書文明以給工價帝責詰之令 一一、こと文王通考 部 部 J+] 給 方起 縣 驗中給進狀寄庫月逢九 **割之庫其元封識** 騐 税 内 解至部 用馬其在外布都 課等國初令所司解 收不堪者駁易 復驗同 五五 不擅 乃 筝 進 動

動定四月在書 十二月命歲遣御史一員查刷光禄寺錢糧每月 帖進覽 命 四之一帝初年减至四十一百名歲額銀樽節至十 先是厨役之額仁宗時僅六千三百餘名及憲宗增 倉又不足 乃令元 供司府 三萬两中年復增至四十萬 御 下禮部問狀責光禄寺具數以奏復降古詩責乃 稽數兩月 問省銀二萬餘两 卷三十 依數增 額派不足 借支太倉太 孙於是 帝疑其乾 自是歲以為常 具

ショブニュ といるこ 穆宗隆慶元年八月命御史四人分查天下軍需騰美 帝 初 費不敷乃令臣民獻助獻助不已復行開納勞民 百萬其時宗廟萬壽官灾帝不之省營繕益急經 與工場二三十處役匠數萬人軍稱之歲費二三 費已六七百萬其後增數十倍齊宫秘殿並時而 食 貨志日世宗十五 年以前名為法省而管建經 即位罷一切齊醮工作及例外採買至是問户 財視武宗過之 歌 欽定續文次通考 푳

多方四月 とう 尚書 部京帮貯金以贈軍國足倫幾年奏言所存僅足三 曾妄費纖毫卿其悉心經理母忽乃又奏乞令中外 月 臣工各陳理財之策遂遣 二月 諭户部查內庫太倉銀出入數 問 計今歲尚虧九月有奇邊軍百萬悉無所需帝大 日軍 儲缺之一至此 乎朕一 切服用正供之外未 明分查天下軍需騰羨以補元年所獨之數 馬森奏太倉見存銀一百三十五 萬四千六百 御史馬明謨趙嚴譚敢張

百 歲支官庫月糧二百六十二萬一千五百餘石遇閏 通 宗禮制河淮以南以四百萬供京師 月京倉見存糧六百七十八萬三千一百五十一石 二百三十六萬有奇補發年例一百八十二萬有奇 五十二两歲支官軍俸銀一百三十五萬有奇邊衛 萬供邊境一歲之入足 供一歲之用邊境固未當 加二十二萬餘石以今數抵算僅足二年因言祖 計所出五百五十三萬有奇以今數抵算僅足三 數定衛文號通考 河淮以北以八 至

|動定四庫全三 求 支費漸繁一變而有客兵年例再變而 補之在各邊則士馬 然其初止三五十萬近漸增至二百三十餘萬屯田 境安得不告急京師安得不告匱乞乗 太倉則輸 十虧七八鹽法十 集眾見采酌施行 助於京師京師亦不煩 納不益於前而 折 報 卷三 不 四五民運十通二三悉以年例 可 加 搜 於昔而所費幾倍 所 括於天下後邊庭多事 出 **幾倍於舊如是則邊** 有主兵年例 朝覲之期廣 於先在

臣 四年正月內承運庫中官以空卻取戶部銀十萬兩廷 衡 前 疏 如數以金進嗣是又數 取光禄太僕銀工部尚書朱 稱京都重新乃以片紙 1. J. J. . 量入為出曾計天下錢穀一歲所入僅二百三十 是年七月户部尚書張守直又疏曰 بألا 諫皆不聴 極 陳不聽 數取太倉銀入內庫至是户部尚書劉體乾疏 敏 欽定續文獻通考 取之安辨真偽乞寢前命部 國家貢賦 五八 在

多定四库全主 九萬此其最少者而出已倍於入矣近者遭四御 萬有奇而中多積通灾免奏留者一歲所 之用自嘉靖十八年被兵以來邊臣日請增兵本 老庫百萬之外止二百十萬有奇不足九邊 史 不與馬二年用四 百萬餘而邊的至二百八十餘萬其額 Ħ 括天下府藏二百年所積者盡歸之太倉然自 給的自五十九萬增至二百八十餘萬十 百 四 十餘萬三年則三百七十 外 請乞者 出京 年 師

サン・テー・ ノーニ 用實數報部具籍以進望留神省覽其用財約於 省不得過歲入常數之外臣亦移文督撫俾以歲 客兵可知舉二鎮而九邊可知宜令廷臣酌議减 今至二十七萬又以加兵復費一十萬舉主兵而 嘉靖三十六年發銀二十二萬次年二十三萬乃 萬三年止一萬乃今至十二萬大同之主兵一 言之如宣府之主兵一也嘉靖四十二年發銀二 馬豈盡實數報糧豈盡實用請弟以近年一二 人 次定續文八通考 五十九

金定四月全書 臣 非 罷 甚 往昔者必忠臣也則有賞其靡費濫於故常者必 謂 諫 以節省請語廷杖下獄是是時 等 忠也則有罰一切 靡費斥為民四年五月給事中李已諫 從之命各邊督撫從實議處以開 周之鎬洛漢之兩 而不聴已也若五年六月山西巡 謹按明本紀隆 慶三年五月御史詹 仰庇請 巷三十 出 都皆空名也今两京並建官 入許臣執奏上聞 温於 國 撫 用义不止 靳學顏疏 劻 買金寶 計幸

送 典 商 卒 責 者中見伍招募不可已也清勾充發按 留 民 山東義勇諸省民 其目曰見伍曰 間通名仕籍今則出城 叢集坐糜公都一費也宋宗室親疎有等散處 都 坐食常鎮二費也天下之兵曰邊兵曰京兵曰 效則無實徵調以 兵曰腹内 夏 大記賣文人通考 徫 掐 所兵四者坐食 **慕曰徴** 資 壯 原 擺守而虚被實此徒費齊 有禁入仕無階不農不 非 調 袓 日清勾曰充 制今乃供勾攝 雖 同 六十 而 刑 緩 則 發五 急則 可 觀

欽定匹庫全書 神 宗萬歷九年四月戸部進萬歷會計 先 嘉其留心國計乃命詳訂以進至二十二年戶部遵 先足尚書王國光編 原邊腹軍士月糧及漕運本折色已未徵天下財賦 亦 除之役請徵其鉤以實邊儲而守兵之不可法者 守直之意界同馬 朝故事録上國計每歲終會計王侯禄米百官俸 請賣以輪番戍守之法其大指在於聚兵盖與 輯 部中前後條例成書帝覽之 録

出 脱骨 歳 為 銀 非 神 入各數日進呈 袓 出 金花銀一百二十 啊 若寬恤百姓帝曰然今宫中用 宗實録是月輔臣張居正奏賦 尚 宗蒨 加意 例無所增加 有餘積隆慶初東裕庫尚積百餘萬今每 火定意文作通考 樽即并禁止施 舍一 例 ₽p 如嘉靖 居正奏所 萬 中用 按季預進隨取 度最為浩繁然內 調常 節與其惠及緇 度節省賞賜 税所入宜量入 例亦近年相 六十二 隨足常 黄 亦 庫 沿

欽定匹庫全書 倉 臣 渧 缺乏有限之財安能當無窮之費惟在留 十二卷張學顏萬歷會計 下 趕其言 會計録令掌財 考十卷又王圻云 等謹按明史藝文志載 佚 秋 給邊方若干一 糧 夏税户口 卷三十 課 計之臣將 鈡 程等每歲起運若干存留若 開 濟當欲做唐人國 汪 録四十三卷劉斯潔 具仍查歷年內 鯨大明會 洪武永樂以來 計 神省察 録 府 計 凡天 類 録宋 要 太

十二月命太倉光禄寺各進銀十萬兩 聴 時 以皇女生命進銀以備宫中賞賜諸臣交章諫不 出 考 出入最多者為準每朝為一卷通為一書以倫參 每歲祭祀修造供給等費共若干通以一年歲計 及文武官吏衛所旗軍并內外在官食糧人數與 固 並呈御覧使國計大網縣然 計不断矣 與 史 是 賣大 大 通考 在目無乎量入為 华二

欽定匹庫全書 十六年八月詔取太倉銀二十萬克閱陵貴費 時 乏乞免不聴 以實賜繁多內庫不給 歳 ス 萬 食貨志曰初世宗時太倉所入二百萬两有奇至 加 歷六年太倉歲入凡四百五十餘萬两 供金花銀外又增買 括取我盡邊賞首功向發內庫者亦取之太 内操馬豹料銀七萬餘两久之太倉光禄太 M. 取銀進用户部尚書奏帑 辨銀二十萬两以為常後 而内府

二十三年二月户部以公私兼倉陳時政之要從之 疏 私東宮莫有甚於此時者顧各邊鎮且額外 六千有奇陕西各鎮自 示 Ĭ 寬容自四十餘萬增至二百八十餘萬數已 界云内帑歲出浮於成額 僕矣 有奇遊鎮添募標兵近又增銀萬六千餘两當此 蓟密等鎮續又加 題、 坎定續文獻通考 飾四十餘萬两令又增銀五萬 劉孛 問間民力竭於科 叛後歲增一十九萬六 六十三 カロ 極矣 添 徴公 どく

銀定四库全十百 糧 匿不 匱乏之秋更行請益此豈安社稷者之計乎大抵 嚴 俳 Ħ 於 目破全在軍馬逃亡 及徵 徴 報 倉銀二千四百萬户部告匱命嚴數天下積貯至 優 行禁止也至二十七年閏四月以 收 調 報乞行嚴查軍丁逃故者 往 軍馬逐一 馬匹倒失者隨即 往 遨遊塞外 驗查母容虚冒又山人墨客星相 携資以歸莫 報官 調時 按日 新買者 非 以少報多亡 腶 扣 諸皇子婚 昨日 除 剥 新 兵糧更當 收册至 補者 則 詔取 銭 隱

南數月約費的銀一百八十七萬八千餘两朝 凌辦共約二百餘萬兩婚 萬而歲出至四百五十餘萬居恒無事已稱出浮於 地畝米豆接兵等的約費銀三百餘萬兩平播之師 兵首尾七年約費的銀五百八十三萬二千餘兩又 一十八年八月給事中王徳完奏國家歲入僅四百 入年來意外之警不時之需因事漸加如寧夏用兵 及期年約費銀一百二十一萬六千餘兩連川中 · 飲定衛文次通考 禮珠寶等項約估銀九百 至 鮮 用

多定四庫全書 七百餘匹婚禮傅買銀一萬二千七百餘匹共約費 匹約工料銀一百萬四千餘两陕西路 三十四萬三千餘兩兩婚 萬 千餘兩又欠厨料銀九萬六千餘两積而算之二千 銀十萬餘兩磁器節傳二十三萬五千餘件約費銀 二十餘萬兩 餘两 百餘萬當此之時惟有節省一字最為喫緊請 而直省灾傷欠銀 挑三仙口趙家園等處約費銀二十四 表三 價 禮傳造袍服四萬一千餘 籵 銀一百二十四萬五 納續織四千

二十九 年十月以上皇太后 藏號借用老庫銀 御 發及查老庫止有銀一百十萬兩 審 價 等令太倉銀庫給商辦進户部奏見貯庫銀無銀可 織造以拯民命止管建以贈邊儲停珠玉以垂燕 IL. 一各商 用監 採 銀不下二十五萬大 辨以濟國用發內部以救然眉疏入不省 因欠冠婚價銀四十餘萬一開 把總張潤澤等請尊上微號合用金寶珍珠 魔 火足青文生通考 禮古期已迫並無可那 而 該監所請 此 六五 信鳥驚魚 珠寶 銀 兩

一致定四庫全書 給發旋收金寶等隨數解進乃 至. 此 迹 通 難措將老庫銀准與開 乞 緊迫萬無借動之理即 老庫 餘萬尚不敢借動老庫今以 雖設法招來無一至者不得已許借老庫銀十萬 令承運庫辦發岩 俯念該監原供內 銀兩自祖宗 廷經費而國計製 北遷來近二百年僅積此數非 應軍國 銷其未完之數及今 後典禮 如九邊的銀欠及一 ൝ 需用臣等殫力支 該監猶求多未已夫 辦金寶軟行借動 難臣等萬分 百四

ころの)日でこんご言 熹宗天改六年四月命南 三十年七月邊的缺命嚴催積 無内 各省税銀不報 至三十八年十一月以軍乏的諭廷臣陳足國長策 譋 臣 得請發內努四十六年八月遼師之的有司請發 開 等 外均平獲免後戴詔老庫銀两准開銷 採閱人借修由是二百年財力 謹按食貨志萬惡後每事溢經制數倍且征 10 欽定續文獻通考 京守 備內官搜 逋 括應天各府 殫竭靡遺矣 芝

金グレア 貯 陳鑿鑿可據所管應天揚州 邊 成 子來奉上之誼也覧南京 庫 有古盡行起 浩繁若不盡力鉤 諭工部都察院日殿工肇典所費宏鉅今雖不 但所欠各項 疆 銀充殿工兵的 何日牧寧殊非 11 解到 T 價 京之 稽多方清察則大兵必致乏. 銀 既至二十萬 仰 H 補三朝闕典之懷亦 將 操 數察收 府等處庫貯銀 江憲臣范 况遼東未復 似此急公事上 ,濟世兩 两前已 非 誤而 兵餉 Ħ 疏 臣 쏨 肵 F

愍帝 寶數 七年正月以財用匮乏分遣內臣總 何 太監除文輔總督太倉銀庫節慎庫崔文昇李明道 其 誠足為大小臣工模範使天下有司皆同此心又 憂乎鼎建殷繁軍的 督漕運河道聚京師通州諸倉 崇禎元年五月兵部尚書王在晉奏請發的 銀何尚未解到即行文連催以濟急用 · 次定情文計通考 難措哉范濟世所奏奉古 理稽聚各處倉庫 文

1<u>5</u>0 金定匹庫在 内帑無厚積不聴 帝 年九月命內臣監理 邺 缺 勢必取價於外 惟命諸臣嚴惟外 應朝鄧希詔等監視關寧前鎮兵糧及各邊撫當 户部之急頗不懌 餇 因近發帑金五十 請令百官捐俸帝曰百官 何以養康 卷三十 萬請称非所樂聞而在晉請 糧 閣臣亦力為言之終以內 解而已六月給事中顏 餇 亦不 聴 禄入不多若令捐 継 **窄空** 祖以 俯 助

.)....... 太 九千两有奇歲出四百二十九萬三千两有奇新的 時户部奏報兩的出入數舊的歲入四百二十三萬 年四月給事中何楷上節財大端疏 歲入八百五十七萬三千两有竒歲出七百八十六 監 諫 張奏憲總領户工一部錢糧給事中宋可久等相繼 監高起潛監視寧鎮兵的 視登島兵糧海禁軍臣合疏諫亦不聴六年六月 不聴至十一月太監李奇茂監視陕西茶馬吕直 **東** 次定績文次通考 1.41

金兵匹库全書 萬 奇而 在 早 内 乎 疲軍冗兵坐食無用巫思變計實節之大者又言海 千二百餘萬尚可 兩 民力 在 而應緩急耳 惟軫念民窮深懷國 有奇合而計之該存 見告是藏缺額遂至二百三十餘萬两 頻 年徵調轉輸 竭矣祖宗朝歲入京師 137 卷三十 絡 汉 用 繹 恤 度不足更責輸將於百姓 刺銀六十五萬九千兩 どく 作 及 何 留者蠲者逋者緩者 者未滿四 飹 財之法無可備水 百 萬今且 楷 | | | | | | | | 有

九年七月諭廷臣助的 學士李建泰自請措 至十六年十月命有司以贖錢充的十七年正月大 的治兵討賊許之

飲定區庫全書
7
7
- 1 - 1 - 1 - 1 - 1 - 1 - 1 - 1 - 1 - 1